



Broj: 01-04-26-009-7-II/06
Sarajevo, 12.10.2006. godine

Na osnovu člana 25. stav (1) pod e), člana 42. stav (1) pod d) i člana 18. Zakona o konkurenciji («Službeni glasnik BiH», broj 48/05) a po Prijavi namjere koncentracije između Bar Laboratories Europe B.V.i.o., Amsterdam, Rokin 55, Holandija zastupane po advokatu Seadu Miljkoviću iz Sarajeva, i PLIVE d.d., Zagreb, Ulica grada Vukovara 49, Republika Hrvatska, zaprimljene pod brojem 01-04-26-009-II/06 od 06.07.2006 godine, Konkurencijsko vijeće na 34. (tridesetčetvrtoj) sjednici održanoj dana 12. oktobra 2006 godine, je donijelo

R J E Š E N J E

1. Ocjenjuje se dopuštenom koncentracija koja će nastati na tržištu specijalizovanih (generičkih) farmaceutskih proizvoda u Bosni i Hercegovini kao rezultat preuzimanja PLIVE d.d. Zagreb, Ulica grada Vukovara 49, Republika Hrvatska od strane Bar Laboratories Europe B.V.i.o. Amsterdam, Rokin 55, Holandija kupovinom većine njenih dionica putem javne ponude.
2. Ovo Rješenje upisuje se u Registar koncentracija.
3. Ovo Rješenje je konačno i bit će objavljeno u «Službenom glasniku BiH», službenim glasilima entiteta i Brčko Distrikta Bosne i Hercegovine.

O b r a z l o ž e n j e

Bar Laboratories Europe B.V. i.o., Amsterdam, Rokin 55, Holandija, je podnijela Konkurencijskom vijeću Prijavu namjere koncentracije dana 06.07.2006. godine.

Uvidom u dokumentaciju priloženu uz Prijavu utvrđeno je da je nepotpuna i na zahtjev Konkurencijskog vijeća Podnosilac prijave je dana 25.08.2006. godine dopunio istu nedostajućom dokumentacijom. Konkurencijsko vijeće, u skladu sa članom 30. stav (3) Zakona o konkurenciji dana 06.10.2006. godine izdalo Potvrdu o prijemu kompletne i uredne Prijave o namjeri pradmetne koncentracije.

Predmet Prijave je koncentracija koja će nastati na tržištu specijalizovanih (generičkih) farmaceutskih proizvoda u Bosni i Hercegovini ukoliko Bar Laboratories Europe B.V.i.o. Amsterdam, Rokin 55, Holandija (u daljem tekstu: Bar Evropa) stekne kontrolu nad privrednim subjektom PLIVA d.d., Zagreb, Ulica grada Vukovara 49, Republika Hrvatska (u daljem tekstu: Pliva) kupovinom većine dionica putem javne ponude za preuzimanje, koja je objavljena u Narodnim novinama Republike Hrvatske, broj 92 od 19.08.2006. godine.

Analizirajući podatke iz Prijave i dostavljene dokumentacije uz Prijavu Konkurencijsko vijeće je utvrdilo sljedeće činjenice:

1. Bar Evropa je društvo koje je isključivo osnovano u svrhu objavljivanja i sprovođenja ponude za preuzimanje dionica Plive i kao takvo nema svoja sredstva niti stvara dobit (društvo osnovano s posebnim ciljem).
2. Bar Evropa je supsidijarno društvo u vlasništvu Barr Pharmaceuticals, inc., 400 Chesnut Ridge Road, Woodcliff Lake, New Jersey 07677, USA (u daljem tekstu: Barr Amerika)

koji je dio Delaware holding kompanije čije se glavne podružnice Barr Laboratories i Duramed Pharmaceuticals, Inc. Glavna djelatnost kompanije je proizvodnja i plasiranje generičkih i vlastitih farmaceutskih proizvoda.

3. U toku finansijske 2005. godine Barr Amerika je ostvario ukupan prihod od ()** EUR ()** KM. Prihod je ostvaren na tržištu SAD i Kanade jer Barr Amerika ne djeluje u Evropi, pa samim tim ni u Bosni i Hercegovini.
4. U toku finansijske 2005 godine Pliva je ostvarila ukupan prihod na svjetskom tržištu od ()** EUR ()** KM.
5. Imajući u vidu navedenu ukupne prihode učesnika koncentracije ostvarene u 2005. godini u skladu sa članom 14. stav (1) pod a) i članom 16. stav (2) Zakona o konkurenciji Barr Amerika je obavezan podnijeti prijavu namjere koncentracije.
6. U Bosni i Hercegovini Pliva ima registrovano supsidijarno društvo Pliva d.o.o. Sarajevo koje nije aktivno, a na tržištu Bosne i Hercegovine učestvuje preko svojih predstavništava, (koja nisu pravna lica) u Sarajevu, Mostaru i Banja Luci koja vrše istraživanja tržišta, obavljaju propagandne i informativne poslove te predstavljaju osnivača, dok Pliva vrši distribuciju i prodaju svojih proizvoda.
7. Prijave namjere koncentracije su podnesene i nadležnim tijelima u Hrvatskoj, SAD-u, Njemačkoj i Sloveniji.

Relevantno tržište predmetne koncentracije je tržište prodaje specijalizovanih (generičkih) proizvoda na teritoriji Bosne i Hercegovine, budući da Pliva na tržištu Bosne i Hercegovine prodaje svoje specijalizovane (generičkih) farmaceutske proizvode.

Na osnovu utvrđenog činjeničnog stanja i dokaza iz dokumentacije priložene uz Prijavu Konkurencijsko vijeće je zaključilo da predmetna koncentracija neće uzrokovati povredu pravila konkurencije na tržištu specijalizovanih (generičkih) farmaceutskih proizvoda u Bosni i Hercegovini i da se ocjena o njenoj dopuštenosti može donijeti bez provođenja postupka.

U skladu sa izloženim Konkurencijsko vijeće je procijenilo da namjeravana koncentracija neće imati za posljedicu negativne efekte na relevantnom tržištu i odlučilo je kao u dispozitivu ovog rješenja.

()** Ovi podaci predstavljaju poslovnu tajnu.

Administrativna taksa

Na ovo Rješenje podnosilac prijave, u skladu sa članom 2. tarifni broj 107. stav (1) pod d) 1) Odluke o administrativnim taksama u vezi sa procesnim radnjama pred Konkurencijskim vijećem («Službeni glasnik BiH», broj 30/06), obavezan je platiti administrativnu taksu u iznosu od 2.500,00 KM u korist budžeta institucija Bosne i Hercegovine.

Pouka o pravnom lijeku

Ovo Rješenje je konačno i protiv njega nije dopuštena žalba. Nezadovoljna stranka može pokrenuti spor pred Sudom Bosne i Hercegovine u roku od 30 (trideset) dana od dana prijema ovog Rješenja odnosno od dana njegovog objavljivanja.

Predsjednik

Gordan Raspudić